




A. Krag.

Theses de artium princip.

Hafn. 1593.



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1017 4°





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1017 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1017 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1017 4°

14-9

LN 1017

M



14-9
THESES
DE ARTIVM PRIN-
CIPIIIS ET LEGITTIMA

Conformatione :

Quas defendent ad diem XXIV. Martij

Studiosi honesti & docti XXV.

pro prima in Philosophia

laurea,

*

Præside

ANDREA KRAGIO RIPENSI

Decano.



HAFNIÆ

Impressit Matthias Vinitor

Anno Domini

1593.



Plato in Theateto.

Optimè ergo à te dictum est, Scientiam nihil aliud esse quam sensum. Eodem nimirum recidunt, secundum Homerum & Heraclitum & omnem illam philosophantium nationem: Omnia tanquam fluxus quosdam moueri: Secundum verò sapientissimum illum Protagoram: omnium rerum hominem esse mensuram: & secundum Theætetum, Sensum esse scientiam illarum rerum quæ sentiuntur.

Idem in Phædro.

Vna quædam species & Idea designanda est, ad quam omnes singulares multifariam dispersæ referantur: ut cum illæ res singulæ fuerint definitione explicandæ illius speciei beneficio ita intelligantur, ut eius de quo agitur natura perspicatur &c.



THESIS I.



Considerata & exputata, humanæ mentis acuminē, rerum vniuersitate, & vniuersitatis partibus singulis, animaduersum est, ex prima notione rebus imposita esse sua nomina singulis.

II.

Res autem singulares & earum notiones primæ cum infinitæ sint, & propter multitudinem numerari commodè nequeant omnes, nedum animo concipi: de commodissima eas percipiendi ratione agitata sunt inter homines sagaciores & prudentiores consilia, & instituta est deliberatio.

III.

Quia impossibile erat eas in unum congerere acervum placuit consilium, mentis opera & auxilio, ex singularibus infinitis, sensu, obseruatione, inductione, experientia, communes extruere notiones, omnibus conuenientes indiuiduis seu singularibus, & ex ijs probè conjunctis artes gignere: quibus tanquam per manus ducimur, ad faciliorem percipiendorum cognitionem.

IV.

Tales notiones sunt in Grammatica, Nomen, Verbum, Casus, Tempora, Genera, Modi &c. In Rhetorica Tropi, Figuræ, Elocutio, Pronuntiatio. In Dialectica Argumenta, Causæ, Effecta, Axioma, Syllogismus, Methodus: & si quæ sunt in reliquis artibus notiones similes: quas tamen instituti memores hoc tempore non persequimur.

V.

Cum autem humanæ vitæ breuitas, ingenij imbecillitas, memoriæ infelicitas, unum prohibeant hominem, etiam heroicis donatum virtutibus, omnia usu approbata exempla singularia præceptis explicanda in sua scripta transferre: aut omnes res mandanas, quæ infinitæ sunt, animo complecti: multorum, aut, si fieri potest, omnium hominum excellentium scripta, & res quamplurimæ aut præcipuæ in artium consfectione considerandæ & inspiciendæ sunt: ut inde artium eliciantur & extruantur præcepta conuenientia.

VI.

Sed in hoc opere petulanter lasciuire non est integrum: ne plus tenebrarum & obscuritatis discipulis offundant artium præcepta quam lucis & perspicuitatis: certiq; sunt hic præfiniti limites, certæ præscriptæ leges: & in mandatis acceperere artium architecti & conditores, ea solummodo in artium constitutione conquirere præcepta, quæ semper vera sunt in omnibus exemplis, suæ cuiq; arti propria, & quæ prudentem in se habent æqualium conjunctionem: tandemq; ea ita legitimo jure dispositionis collocare, ut priora ad posteriora intelligenda viam aperiant & glaciem frangant.

VII.

Nec tamen ad concludendum artes & artifices intra hosce limites & carceres mouemur aliqua autoritate, aut temeritate: assentiendo leuiter etiam acutissimi Philosophi subtilitatibus, aut facundissimi Oratoris illecebris: sed rei
veritas

veritate & natura artium diligenti consideratione aestimata, in hanc sententiam adducimur.

II X.

Non enim patitur veritas & usus, quæsitus & inuentus in artibus: ut aliquod artis præceptum sit hodie in uno exemplo verum, cras in altero falsum. Hoc enim artificem à proposito abducit. Iustitia prohibet irruere in alienum fundum & alterius sibi vendicare agros: cum artium sint, ut agrorum, distincti limites & termini, quamvis earum communis sit usus: Quæ semel & in genere dici possunt, sæpius, non vitata tautologia, repetere imprudentis est. Ordinem à natura institutum, seruatum, nobisq; monstratum conturbare, variè inter sese præcepta artium confundendo, est cælum terræ miscere.

I X.

Quæ in usu loquentium & in rebus ipsis est varietas & licentia multiplex ac confusa, si aliquando impediat, quo minus præcepta generalia conficiantur, anomalia analogiæ addenda est, ut tandem proposito fiat satis: & præceptum tanquam duabus constitutum partibus generale & catholicum statuatur.

X.

Quemadmodum usu parente nata sunt præcepta & observatione exemplorum collecta: sic eodem explicabuntur & examinabuntur. Filius enim artium est usus: dum artibus qui mediocriter instructi sunt, probatos autores, apud

quos solummodo hac nostra ætate reliqua manet linguarum
doctarum cognitio, sibi familiares adeo faciunt: ut eorum
persequentes vestigia, similia ipsi faciant & fingant exem-
pla. Item cum res ipsas rerumq; causas auxilio artium co-
gnitas, aliis communicent, aut ipsi ad usum in vita transfe-
rant. Haud itaq; inconuenienter usus, artium appellatur
parens, filius, censor, corrector, moderator &c.

XI.

Hinc palam esse arbitror, qualia nam debeant esse ex-
empla, artium præcepta explicantia: non barbara, non abece-
daria nussiam usurpata, aut nullo usu approbata, nec etiam
ab arte aliqua posteriori & nondum cognita desumpta: ne
aut adolescentum remorentur progressum aut præceptis va-
nitatem aliquam inurant, sed ex usu desumpta communi &
rebus ipsis.

XII.

In artium constitutione etiam necessaria est sermonis
puritas: ut quam facillima orationis forma præcepta expri-
mantur. Nam etsi prætendamus percipiendi facilitatem, re-
tinendi fidelitatem, præceptorum breuitatem: tamen omnis
obscuritas & sermonis impuritas in artium præceptis est
noxia, odiosa, vitiosa. Cum artes ut veritatis accuratione,
ita verborum perspicuitate illustres esse debeant.

XIII.

Finis omnium artium generalis, est usus in vita huma-
na: qui tamen cuiq; arti suus est proprius ac peculiaris.

Hunc

4

XIV.

Hunc tum demum artifex consecutus dicitur: cum ea quæ artium præceptis promittuntur præstiterit. Nam regulas uniuerſales ſcire, ſingularem uſum rerum neſcire, non eſt abſolutè & actu aliquid ſcire. Nec etiam ſatis eſt ſcire quid ſit virtus: ſed ut habeamus & utamur eſt eniten- dum. Secus, ſi quis eſt in arte doctus, in uſu verò indoctus: is erit Mercurius Paſſonis teſte Ariſt: lib: 9. Philoſoph: & Eth:

PARADOXA IN ARTIBVS
prioribus III.

I.

Rerum appellationes primæ, ſiue natura, ſiue hominum arbitrio, & euentu quodam impoſitæ ſint, in Grammatica doceri non debent: ſed eæ ſolummodo quæ ſecundæ notiones appellantur, & rebus ſua appellatione cognitæ accedunt tanquam ad ſignificata: & quæ propter terminationes vo- cum varias, præceptis admifcentur.

II.

Gravitas, humilitas, mediocritas orationis non ex ornatu rhetorico, ſed ex rei natura, ſoſculis oratoriis ornatæ exiſtit.

III.

Res non concipiuntur animo, aut Metaphyſica, aut Lo- gica, aut quacunq; alia conceptione: ſed rerum ſymbola & appellationes.

